

ფილოლოგიურ-იკონოგრაფიული კიეზანი

მარიამ გველესიანი

**მზე -- ქრისტიანა და ჟამთა გამოსახულებების
შესახებ აკურას ბაზილიკის აღმოსავლეთ
ფასადზე**

აკურას „მამა დავითის“ სახელით ცნობილი IX საუკუნის სამნავიანი ბაზილიკა მდებარეობს კახეთში, თელავის რაიონის სოფელ აკურადან ორიოდე კილომეტრის დაშორებით. ეს მონუმენტური, დიდი ზომის ძეგლი აგებულია რიყის ქვისა და აგურისაგან. შუა ნავი გვერდითა ნავეებისაგან ოდნავაა გამოყოფილი. მის ზემო ნაწილში, აღმოსავლეთ ფასადზე, რელიეფურად წყობილი შირიმის ქვით გამოყვანილია დიდი ზომის წრე. წრის ცენტრში ორსაფეხურიანი მრგვალი ნიშაა, რომელშიც გამოსახულია წვეროსანი მამაკაცის თავი, ხოლო მინდორზე დიაგონალურად განლაგებულია ოთხი შარავანდისანი თავი (შემორჩენილია ორი ქვემოთა, ზემოთა ორი განირჩევა შარავანდისა და კისრის კონტურების ფრაგმენტთა სახით). წრის მინდორსა და ნიშის საფეხურებს შორის არეებს გასდევს წითელი ფერის რადიალური სხივები; ამავე ფერის კონტურითაა შესრულებული გამოსახულებებიც (სურ. 1).

ძეგლის არქიტექტურა შესწავლილია და გამოქვეყნებულია აკად. გ. ჩუბინაშვილის მიერ წიგნში „კახეთის არქიტექტურა“, სადაც აღნიშნულია რომ აკურას ბაზილიკა უნდა იყოს დავით გარეჯელის სახელობის დედათა ის მონასტერი, რომელიც ისტორიული წყაროების მიხედვით, ცნობილ ქართველ მოღვაწეს ილარიონ ქართველს აუგია მისი დედისა და დისათვის 855 წელს.

ძეგლის აღწერისას ავტორი მიუთითებს მის აღმოსავლეთ-ფასადზე ფრაგმენტულად შემორჩენილი წითელი ფერის მოხატულობის შესახებაც¹.

აღნიშნული კომპოზიცია უფრო საფუძვლიანადაა აღწერილი ტ. შევიაკოვას ალბომში „ადრეშუასაუკუნეების ქართული მონუმენტური ფერწერა“, სადაც ავტორი მას არქიტექტურის თანადროულად მიიჩნევს².

საკულტო ნაგებობების ფასადთა სიუჟეტური მოხატულობით გაფორმება რელიეფურ დეკორთან შედარებით იშვიათ მოვლენას წარმოადგენს საქართველოში და ძირითადად ლოკალიზებულია სვანეთის არქიტექტურულ ძეგლებზე, რომლის ფერწერული სკოლის ტრადიცია გარკვეულწილად განსაზღვრავდა ადგილობრივი საფასადო მოხატულობის ხასიათს³. რაც შეეხება აღმოსავლეთ რეგიონს, კერძოდ კახეთს, აქ, სამშენებლო მასალის სპეციფიკიდან გამომდინარე (რიყის ქვა, აგური, შირიმი, ტუფი) ფასადთა რელიეფური დეკორით გაფორმებას არ მიუღია გავრცელება, მით უფრო — საფასადო მოხატულობას. — ამ მხრივ აკურას მამა დავითის ბაზილიკა იშვიათ ძეგლად წარმოგვიდგება.

აღნიშნული კომპოზიცია იკონოგრაფიული თვალსაზრისითაც სრულიად უჩვეულოა. წინამდებარე გამოკვლევა არის ცდა მისი ამ ასპექტით გააზრებისა.

ტ. შევიაკოვა ორსაფეხურიანი ნიშის ცენტრში წარმოდგენილი მამაკაცის თავს მაცხოვრის გამოსახულებად მიიჩნევს, ხოლო დიაგონალურად განლაგებულ გამოსახულებებს — ანგელოზებად. იგი გამოთქვამს ვარაუდს, რომ კომპოზიციის შემომსაზღვრელი რადიალურ სხივებიანი წრე შესაძლოა წარმოადგენდეს ასტრალურ კულტთან დაკავშირებულ სოლარულ ნიშანს, რომლის ფონზე მაცხოვრის გამოსახულება სრულიად უნიკალურს ხდის ამ კომპოზიციას⁴.

¹ Г. Чубинашвили. Архитектура Кახетии, Тб., 1959, с. 117

² Т. Шевякова. Монументальная живопись раннего средневековья Грузии, Тб., 1983, с. 8.

³ И. Аладашвили. А. Вольская. Фасадные росписи в верхней Сванети, Ars Georgica, 9, тб., 1987., с. 95.

⁴ Т. Шевякова. დასახ. ნაშრ., იქვე.

20-იან წლებში, გ. ჩუბინაშვილის მიერ ძეგლის შესწავლის პერიოდში, ინტერიერში, დასავლეთის კედელზე იკითხვბოდა მოხატულობის კვალი შობისა და მიძინების სცენათა ფრაგმენტების სახით⁵, რომელიც დღეისათვის არ შემორჩენილა. ჩვენთვის საინტერესო გამოსახულებაც ძალზე დაზიანებულია და ოდნავ განირჩევა ფიგურათა კონტურებისა და მოვარდისფრო-მოცისფრო ლაქების სახით.

კომპოზიციის შესახებ მსჯელობისას, მისი მეტ-ნაკლებად სრული სახით აღდგენისათვის, ვეყრდნობით ტ. შევიაკოვას მიერ აღრეულ წლებში შესრულებულ ასლს გამოსახულებისას, რომლის სურათი და სქემა მოცემულია მისსავე ალბომში.

წითელი ფერის ენერგიული, მკვეთრი კონტურული მონასმითაა შესრულებული მაცხოვრის თავი მოგრძო სახის ოვლით, ფართო თვალებით, სწორი ცხვირით. იგი უშარავანდოა⁶. სახეს ოდნავ შერჩენია ვარდისფერი კლაკნილი ხაზებით პირობითადაა გადმოცემული ტალღოვანი თმა და წვერი, რომლის კონტური ალაგ-ალაგ წყდება, ან ფერწერულ ლაქად ედება და არაგრაფიკულ სახეს იძენს — როგორც ჩანს, გამოსახულება თავის დროზე უფრო ფერწერული უნდა ყოფილიყო, ვიდრე გრაფიკული, თუმცა იგი კონტურული მონასმის სახით წარმოგვიდგება, რაკილა ფერწერული მოდელირების კვალი, ამჟამად მხოლოდ მჭრქალი ნახევარტონებით აღბეჭდილი, საუკუნეებმა წარხოცა.

ტ. შევიაკოვას შენიშვნით, ვარდისფერი უნდა ყოფილიყო ანგელოზთა სახეებიც. აქ კონტური უფრო ძალუმია და ექსპრესიული, სქემატური ხასიათი პორტრეტისა ხელს არ

⁵ Г. Чубинашвили, დასახ. ნაშრ., გვ. 121.

⁶ Т. Шевякова, დასახ. ნაშრომი, გვ. 8 ჩვენი ვარაუდით, შესაძლოა მაცხოვრის თავის შემომსახლველი ორსაფეხურიანი ნიშა, მასში რადიკალურად წყობილი ქვების შემაერთებელი წითელი ხაზებით — სხივებით აზრობრივად შარავანდი იყოს, რამდენადაც მაზღეანური სპარსეთიდან წარმოშობილი შარავანდი, შარავანდედი, ქართულ ენაში განიმარტება როგორც „მზის სხივი“ (პეტრე იბერიელი, „შრომები“, ს. ენუქაშვილის გამოც., 1961. იხ. ლექსიკ. „სხივი, ბრწყინვალება, მზის შუქი“ (ჭეგლ, 1986). „სამეფო გვირგვინი, მსგავსი სხივთა“ (ს ა ბ ა).

უშლის ოსტატს ანგელოზთა ოვალური სახე სწორი ცხვირით, პატარა პირით, მრგვალი წარბებით, ფართო თვალებითა და ხუჭუჭი თმით საოცარი ბავშვური გულწრფელობის ნიშნით აღბეჭდოს.

მთლიანობაში კომპოზიციის მხატვრული გამოსახვის ძირითად საშუალებად გვევლინება შესრულების სიბრტყობრივ-გრაფიკული მანერა, დამახასიათებელი IX—X საუკუნეების ქართული კედლის მხატვრობისათვის (არმაზი —IX ს, თელოვანი —IX ს., საბერეები —IX—X სს., ერწო-სიონი —XI ს., ნესგუნი IX—X სს.).

უძველესი დროიდანვე ადამიანის წარმოსახვა სამყაროზე და მის წესრიგზე ღმერთისა და ღვთაებრივ ძალთა კოსმიურ ფენომენს ეფუძნებოდა, რაც განპირობებული იყო ასტროლოგიის განვითარებით. ასტროლოგია, როგორც მეცნიერება, როგორც წანამძღვარი რელიგიურ-ფილოსოფიური სისტემებისა, იშვა აღმოსავლეთის ქვეყნებში, საიდანაც მან, ბაბილონურ-ქალდეური ასტროლოგიის სახით ჩამოყალიბებულმა, შეაღწია ბერძნულ-რომაულ სამყაროში და დიდი გავლენა მოახდინა მის ცივილიზაციაზე⁷.

ძველი აღმოსავლეთის კოსმიური წარმოსახვიდან იღებს სათავეს სამყაროს წარმოდგენა კონცენტრული წრისა და Clipeus-ის⁸ სახით, რომლის ცენტრში კოსმოკრატიორი — ღმერთი ან მეფე გამოისახება. (როგორც ცნობილია, ამ სქემას ეფუძნება კლასიკურ ქვეყნებში გავრცელებული Imago clipeata). მზის ცნობილი სიმბოლო ეგვიპტეში — ფრთოსანი სოლარული დისკო საგრძნობ ცვლილებას განიცდის აღმოსავლეთში. თუ მას ეგვიპტეში სადა და გლუვი წრის ფორმა აქვს, ასირიულ და აქემენიდურ ძეგლებზე შიდა წრედ და მის შემომსაზღვრელ პლასტიურად შვერილ ბორღაურად

⁷ F. C u m o n t. Astrology among Greeks and Romans N. Y. 1960 p. 40.

⁸ აღნიშნავს წრიულ ფარს შიდა დისკოს ირგვლივ ბორღაურით. H. P. L' O r a n g e, Studies on the Iconography of Cosmic Kingship, Oslo, 1953, p. 90.

იყოფა და ამგვარი გზით გარდაიქმნება სამყაროს წრის, კოსმოსის სიმბოლოდ, რომელსაც სხვაგვარად, „ღმერთის უკვდავ წრეს“ უწოდებენ⁹. ბოსტონის სახვითი ხელოვნების მუზეუმის ტერაკოტის დისკოებზე — Clipeus-ზე ჰელიოსის სხივოსანი თავია გამოსახული; ქანდაკება ვილა ალბანიდან წარმოგვიდგენს იუპიტერს სამყაროს, კოსმიური წრის ცენტრში, რელიეფი ტრანსიორდანიიდან — კიბელას და სხვა. ხოლო ლუვრის VI საუკუნის დიპტიქონზე მათ უკვე ენაცვლება მაცხოვრის ფიგურა Clipeus-ში, რომლის კოსმიურობა მზის, მთვარისა და ვარსკვლავთა გამოსახულებებითაა მინიშნებული (სურ. 2). კოსმოკრატიული თეოლოგიის ქრისტიანული რეინტერპრეტაცია ეფუძნება მაცხოვრის სიტყვებს მათეს სახარებიდან: „მოძეცა მე ყოველი ხელმწიფებაჲ ცათა შინა და ქუეყანასა ზედა“ (28. 18).

მაცხოვრის, როგორც კოსმოკრატორის, ცათა მეუფის სახით განსაზღვრება გვხვდება „უძველეს იადგარში“, იერუსალიმური პერიოდის ჰიმნოგრაფიულ ძეგლში¹⁰.

„გალობით გადიდებდეთ შენ, ღვთისმშობელო, რომელმან ცათა მეუფეჲ ხორციელად იტვირთე და უშევ სოფელსა სამართლისა მზეჲ“ (435.2).

„გაქებთ შენ, ქრისტე, რომელი ჰერიათა მიერ ჯუარს დაემუქუალე და განელო ლახუართა უხრწნელი გუერდი შენი, საფლავსა დაიდევ და ასდევ ცათა მეუფეჲ“ (508.5).

„რომელი უფალი ხარ ცათაი და ქუეყანისაი და შემოქმედი საუკუნეთა“ (297.5).

ზემოთქმულიდან გამომდინარე ვფიქრობთ, როგორც სტრუქტურული, ასევე შინაარსობრივი თვალსაზრისით სამყაროს წრის, კოსმოსის სიმბოლოდ გაიაზრება ჩვენს ძეგლზე რელიეფური ლილვით შემოსაზღვრული ორმაგი წრე, რომლის ცენტრში ტრადიციულად წარმოდგენილი ფიგურა (ამ შემთხვევაში მაცხოვარი) დაკავშირებულია რადიალურად გამოსახულ სხივებთან — სოლარულ ნიშანთან.

⁹ H. P. L'Orange, დასახ. ნაშრომი. გვ. 74—96.

¹⁰ უძველესი იადგარი, თბ., 1980.

ძველ მსოფლიოში ფართედ იყო გავრცელებული... ქალ-
დეური ასტროლოგიიდან მომდინარე მზის კულტი, რომლის
დეიფიკაციამ განსაკუთრებით ჰპოვა ნიადაგი რომის იმპერია-
ში. ეგვიპტელთათვის და ბაბილონელთათვის მზე სამეფო
მნათობი იყო, რომში კი Sol Oriens, So! Invictus იმპერა-
ტორის მესიანიზმის სიმბოლოდ იქცა. იმპერატორი ხილული
ხატაა დედამიწაზე მზისა, მასავით უძლეველი და მარადიული
(Invictus, Aeternus)¹¹.

ევსებიუსის გადმოცემით, მზიური ბუნების იყო თვით
ქრისტიანი იმპერატორი კონსტანტინეც. რომაელ იმპერატორ-
თა კავშირი მზის კულტთან განსაკუთრებით ნათლად აისახა
ნუმიზმატიკურ მასალაში. ადრიანეს მონეტაზე (117 წ.) გა-
შოსახულია სხივოსან გვირგვინიანი იმპერატორი, რომლის
ქვეშ წარწერაა Sol Oriens (სურ. 3).

აქემენიდურ საბეჭდავებზე ხშირად ვხვდებით შემდეგ
სცენას: ზემო რეგისტრში სამყაროს კოსმიურ წრეში გამოსა-
ხულია აპურა მაზდა, ქვემოთ — მიწიერი წინასახე უზენაესი
ღვთაებისა — დისკოში წარმოდგენილი მეფე¹² (სურ. 4).


ქრისტიანობის გავრცელების პირველსავე წლებში ხდება
შერწყმა მზის კულტისა ქრისტესთან (Oriens Christi —
უწოდებს ტერტულიანე, III საუკუნის საეკლესიო მამა), რის
გამოც ჩნდება ერთგვარი პარალელიზმი უნივერსალური მი-
წიერი მონარქიისა (იმპერატორი) და უნივერსალური ზეცი-
ური მონოთეიზმის (ქრისტე) სახით¹³.

თავისთავად ტერმინი Oriens, როგორც ქრისტეს ერთ-
ერთი განმსაზღვრელი ეპითეტი, მომდინარეობს არა იმპერა-
ტორთა რომაული კულტიდან, არამედ ახლო აღმოსავლეთი-
დან, სადაც სოლარულ თეოლოგიას, როგორც აღვნიშნეთ,
მტკიცე ნიადაგი ჰქონდა. ამასთან, ძველი აღთქმის წიგნე-
ბის, — ფსალმუნთა თუ წინასწარმეტყველთა ენა, როგორც

¹¹ H. Frankfort. Kingship and the Gods, Chicago, 1969, p. 148; აგრეთვე A. Alföldi. The Conversion of Constantine and Pagan Rome, Oxford, 1948, p 5.

¹² H. P. L'Orange, დასახ. ნაშრ., გვ. 93. ფიგ. b—c.

¹³ ეს უკანასკნელი საფუძვლად ედება ქრისტე-კოსმოკრატორის იდეას.



The Cosmic Clipeus and the Solar Imago Clīpēā. u






Fig. 69. Detail from a diptych, Louvre.






Satim philosophoy delirantia
notantur duo decem signata
Abundantiam.



Haec omnia signa sunt corporis
rationalis: et signa solis et
lunae apparentis.








9



10



11



12

საკულტო-პოეტური ენა, მდიდარია სოლარული მეტაფორებით, რაც ხელს უწყობდა მაცხოვრის ღვთაებრივ-ადამიანური ბუნების გახსნას.

ზაქარიას წინასწარმეტყველება გვაუწყებს თეოფანიას Oriens-ისას: „კაცი ნიშთმკვრეტელნი არიან ამისათვის, აჰა, მე მოვიყვანო მონაჲ ჩემი აღმოსავალით“ (3:8) და „ამათ იტყვის უფალი. ყოვლისა მპყრობელი: აჰა მამაკაცი, — აღმოსავალი სახელი მისი და ქუეშე კერძო მისსა აღმოხდეს და აღაშენოს სახლი უფლისაჲ“ (6:12)¹⁴.

ზაქარიას ამ ერთგვარად იდუმალეებით მოსილ, მისტერიულ წინასწარმეტყველებას ეხმაურება მახარებელი ლუკა: „მოწყალებითა წყალობითა ღმრთისა ჩვენისათა, რომელთა მიერ მომხედნა ჩუენ აღმოსავალმან მალლით“ (1:78).

ლუკას ეს სიტყვები პოეტურად გაჟღერდა ქართულ ჰიმნოგრაფიაში:

„აღმოსავალით მალლით ვიხილეთ ქრისტეჲ
ბრწყინვალეჲ მსხდომარეთა ბნელსა შინა დღეს
და აჩრდილითა სიკუდილისათა მზეჲ იგი
სიმართლისაჲ“ (იოანე მტბევეარი)¹⁵.

მეორე მხრივ, ქრისტიანულ სოლარულ თეოლოგიას საფუძვლად ედება მალაქიას წინასწარმეტყველება: „და აღმოგებრწყინდეს თქუენ მოშიშთა სახელისა ჩემისათა მზე სიმართლისა და კურნებაჲ შორის ფრთეთა მისთა“ (4:2).

ადრექრისტიანული საუკუნეებიდანვე ორივე ეს პროფეტული ტერმინი Oriens და Sol Iustitiae (მზე სიმართლისა) ქრისტესთან მიმართებაში თანაბარ ძალმოსილებას იძენს. (საცნაურია, თუ როგორ გაცხადდა ეს მომენტი იოანე მტბევეარის ზემოთმოხმობილ სტრიქონში).

ქრისტიანობის გავრცელებასთან ერთად — II საუკუნის მიწურულიდან, კლიმენტი ალექსანდრიელისა და III ს-ში ორიგენესა და ნეოპლატონიზმის სახით (რომელიც ძირითადი

¹⁴ ზოგი მკვლევარი „აღმოსავალის“ ქვეშ გულისხმობს ღმერთს, სხვანი — მესიას. Толковая Библия (Пет. 1911 — 1913) — მას განმარტავს, როგორც ზოგადად, მესიანურ ხსნას — იხ. T. 3, c. 131.

¹⁵ პ ა ვ ლ ე ი ნ გ ო რ ო ე ვ ა. ძველი ქართულ სასულიერო პოეზია, ტფილისი, 1913, XII.

წყარო იყო პატრისტიკული თეოლოგიისა). ქრისტიანი ღვთისმეტყველნი, ბერძნული ხელოვნების ნიმუშებითა და კლასიკური ფილოსოფიით შთაგონებულნი, ისწრაფვოდნენ ქრისტიანობის სულიერი საწყისისა და ანტიკურობის რაციონალური ფილოსოფიის ჰარმონიზაციისაკენ და ალეგორიისა და ანალოგიის გზით ახალი აღთქმის კავშირისაკენ ძველი აღთქმის წინასწარმეტყველებასთან. ამდენად, ალექსანდრიის ქრისტიანულ ლიტერატურასა და ფილოსოფიაში განვითარდა სკოლა თეოლოგიისა. რომელიც ეფუძნებოდა მისტიციზმს, ალეგორიასა და სიმბოლიზმს, რაც თავის მხრივ, საფუძვლად ედება შუასაუკუნეების რელიგიურ აზროვნებას¹⁶.

ვნახოთ, როგორაა განმარტებული „აღმოსავალი“ (Oriens), როგორც სოლარული მეტაფორა ალექსანდრიის სკოლის დიდ წარმომადგენელთან ფილონ ალექსანდრიელთან: „უცნაურია რომ კაცს ეწოდოს „აღმოსავალი“, მაგრამ თუ ვიგულისხმებთ, რომ ლაპარაკია არამატერიალურ, უსხეულო კაცზე. რომელიც იგივე ღმრთის ხატია, მაშინ ეს სახელი ყველაზე შესაფერია მისთვის. რამეთუ ყოვლისშემოქმედმა აღმოიყვანა იგი როგორც ძეა თვისი, რომელსაც უწოდა „მხოლოდშობილი“¹⁷.

მანვე მოახდინა „მხოლოდშობილის“ იდენტიფიცირება ლოგოსთან, რადგანაც ლოგოსი, მისივე სიტყვებით, არ ჩადის, არც ქრება, არამედ გულისხმობს მარადაღმოსვლას და როგორც ამომავალი მზე ნათლით მოსავს ყოველსავე ბნელს, ასევე ანათებს ლოგოსი ადამიანის სულს და მიმოფანტავს მის ჩრდილოვან მხარეებს.

¹⁶ ქრისტიან თეოლოგთა ამ მიმართულების შესაბამისად, მხატვარი სამეტყველოდ იღებდა ელინური ხელოვნების მოდელს და დიდი სიფრთხილით გამარტივებული სიმბოლიკის ენით სახიერ ქმნიდა ახალი სარწმუნოების სულიერ პლასტებს. ქრისტიანული ღვთისმეტყველების აყენად მიჩნეულ ხმელთაშუაზღვის სამყაროს დიდ ელინისტურ ცენტრებში — ალექსანდრიისა, ანტიოქიასა და ეფესოში განვითარდა თავის ფორმებით კლასიკურ ნიმუშებზე აღმოცენებული უაღრესად სიმბოლური ხასიათის ხელოვნება. E. S m i t h, Early Christian Iconography and a School of Ivory Carves in Province, London, 1918, p. 160.

¹⁷ E. K a n t o r o w i c z. Oriens Augusti-Lever du Roi. Dumbarton Oaks papers, № 17, p. 137.

ამ თვალსაზრისით აღმოსავალი, აღმოსვლა (Oriens) ლოგოსისა ალეგორიულ მნიშვნელობას იძენს — ესაა მუდმივ შობა და მუდმივ აღმოსვლა ჭეშმარიტი ლოგოსისა ადამიანის სულში. ფილონ ალექსანდრიელის მიერ „მზის აღმოსვლის“ სპირიტუალიზაციამ მოამზადა ნიადაგი, სხვა საკითხებთან ერთად, ალექსანდრიის ქრისტიან ეგზეგეტთა შრომებისათვის..

მოდვრებას ღვთის სიტყვის, ლოგოსის, როგორც სულიერი მზის შესახებ ღრმა ფესვები აქვს ჯერ კიდევ ქრისტიანობამდელ რელიგიებში. მაგალითად, ზენდ-ავესტაში აჰურამაზდას იგივე ლოგოსს, ღვთის სიტყვას უწოდებენ, რომლს: შექმნილია მზე, ანუ ხატი აჰურა მაზდასი¹⁹; ეგვიპტეში რა იგივე ზეციური ლოგოსია. ფილონის თქმით, მოსე ღვთაებრივ ლოგოსს მზეს უწოდებდა, რადგანაც იგი ფიზიკური მზის პირველსახეა სულიერი არსის მნიშვნელობით. ამრიგად, ლოგოსი იგივე სულიერი მზეა.

„არვინ წამებულა ფიზიკური მზისათვის, მაშინ როცა მრავალი ეწამა ქრისტესათვის, ლოგოსისათვის, რადგან მზეზე უფრო ცეცხლოვანი და სხივოსანი არის ლოგოსი ჭეშმარიტებისა და სიბრძნისა, რომელიც იძირება გულისა და გონების სიღრმეში“ — წერს იუსტინე მოწამე [II ს.] და ასკვნის სულიერი მზის უპირატესობას ფიზიკურ მზესთან, იმოწმებს რა ფსალმუნის სიტყვებს:

„უწინარეს მზესა ეგოს სახელი მისი“ (71:17)

¹⁹ ავესტაში ამომავალი, ძლევამოსილი ღმერთის სახელია ვერეთრაგნა, რომელიც იგივე მზე-ღვთაებაა, ირანში ყველაზე პოპულარული ღვთაება. ამომავალი მზის კულტი აქტივიზირებული იყო მოგვთა მიერ, რომლებიც მთიდან უპკრეტდნენ ამომავალი ცისკრის ვარსკვლავს, რათა ეუწყებინათ ხალხისათვის მოსვლა განმაახლებელი ძალისა. ეს ძველი სოლარული კონცეფცია აითვისა ზოროასტრიზმმა, რომელმაც იგი მესიის, მხსნელის ებ, რაულ ცნებას დაუკავშირა, ხოლო ქრისტიანობამ ეს მოვლენა — მოგვთა, თვალყურის დევნება ვარსკვლავზე, რომელსაც მეუფის მოსვლა უნდა ეუწყებინა, განასახოვნა ბეთლემის ვარსკვლავში, რომლითაც ასევე მოგვთა პირით ეუწყა ხალხს ქრისტიანთა მხსნელის, მესიის მოვლინება, („იხილეს რა მოგვთა მათ ვარსკვლავი ბრწყინვალეი, მაუწყებელი მზისა სიმარჯლისა“) — P h y l y s A c k e r m a n, A Survey of Persian Art, London—New York, 1938, p. 875.

აქვე გვინდა მოვიყვანოთ რამდენიმე ნიმუში ქართული ჰიმნოგრაფიიდან: „დიდებაი პირველ მზისა შობილისა ქესა“ და ჩვილად ხილულთა ჩოვენთვის“ (იოანე მტბევეარი (ს. პ.).

„სიტყვაო მამისაო. პირველ მზისა შობილო, აღსასრულთა ეამთასა იშევ ქალწულისაგან“... (იქვე, 20).

„ნათელი საღმრთოჲ, უპირატეს მზისა შობილი, ცეცხლი უსხეულოჲ, გამოჩნდა ხორცითა დღეს“ (205).

ამას გარდა, Oriens-ს წმინდა მამანი განმარტავდნენ როგორც აღმოსავლეთს, გეოგრაფიულ Orient-საც და „ამდენად, ზაქარიას და ლუკას სიტყვათა გააზრება აღმოსავლეთის მიმართულებით, განაპირობებდა მლოცველთა ორიენტაციას აღმოსავლეთისაკენ. ამ თვალსაზრისით ნიშანდობლივია აკურას კომპოზიციის აღმოსავლეთ ფასადზე წარმოდგენა. (ზოგადად კი, ქრისტიანული ეკლესიის მიმართება აღმოსავლეთისაკენ).

მზე, როგორც ხატი ქრისტესი, სულიერი არსის მნიშვნელობით, არის ერთ-ერთი მნიშვნელოვანი დებულება ეზოთერული ქრისტიანობისა. საყოველთაოდ ცნობილია, რომ ეზოთერული, შინაგანი საიდუმლოებანი შეადგენდნენ ორთოდოქსული რელიგიის საფუძველს²⁰.

დიონისე არეოპაგელი თავის ნაშრომში „საღმრთოთა სახელთათვის“ მზე-მნათობს უწოდებს ხატს ღვთისას, ხოლო ქრისტე, პავლე მოციქულის განმარტებით, „არის „ხატი ღმრთისა უხილავისა“ (1 კორ. 2,4).

„რაი-მე ვინ თქვას მისთვისვე და მის ზედავე ხილულთა მზისა შარავანდედთათვის?. რამეთუ სახიერებისაგან არს ნათელი და სახე არს სახიერებისაი... რომელმან მზისა შორის, ვითარცა სახისა შორის, აჩვენა პირმშოი ხატი თვისი“ (4,4)²¹.

ქრისტიანობის გავრცელების პირველ წლებში ქრისტეს კავშირი მზესთან ნათლად გაცხადებული ფაქტი იყო, შემდგომ კი ეს ყოველივე დაშრევდა ეზოთერულ ქრისტიანობაში —

20 მ. გ ი გ ი ნ ე ი შ ვ ი ლ ი, მზიანი ღამე ვეფხისტყაოსნისა და ქრისტიანული მსოფლმხედველობის ზოგი საკითხი. ძველი ქართული მწერლობის საკითხები, III, 1963, გვ. 40.

21 პ ე ტ რ ე ი ბ ე რ ი ე ლ ი, ფსევდო-დიონისე არეოპაგელი, შრომები, 1961, გვ. 34.

ამ კავშირების შესახებ პირდაპირ საუბარს ორთოდოქსული ღვთისმეტყველება თავს არიდებდა, რადგანაც არსებობდა საფრთხე სოლარული წარმართობის აღორძინებისა ხალხის ფართე ფენებში.

IV საუკუნიდან წმინდა მამათა მიერ ხდება ფორმირება ქრისტიანული სოლარული თეოლოგიისა, რომელიც მიმართული იყო Sol Invictus-ის წარმართული სოლარული ჰენოთეიზმის²² წინააღმდეგ. ქრისტიანული რელიგიის ცნობილი მკვლევარი ა. დრევსი აღნიშნავს, რომ ჯერ კიდევ V საუკუნეში არა მარტო მწვალებელნი, არამედ ჰეშმარიტი მორწმუნენიც მუხლს იდრეკდნენ ჰორიზონტზე ამომავალი მზის წინაშე და ლოცულობდნენ „შეგვიწყალე“²³. ვნახოთ, რას წერს IV—V საუკუნეების დიდი საეკლესიო მამა, ნეტარი ავგუსტინე მზის ბუნებისა და ქრისტიანულ სამყაროში მისი ადგილის შესახებ: „ქრისტე არის მზე სიმართლისა, მაგრამ არა ის მზე, რომელსაც წარმართნი და მანიქეველნი მსახურებენ და თვით ცოდვილნიც კი ჰვრეტენ, არამედ მზე ჰეშმარიტი, რომელიც განანათლებს კაცის ბუნებას“²⁴. ეს მზე ქართულ სინამდვილეში სწორედ ის „მზე ჰეშმარიტია“, რომელმაც დაუბრუნა მირიანს ნათელი და რომლის ხილვითაც „მოერთო ერი განბნეული“ — გავიხსენოთ ეპიზოდი „ნინოს ცხოვრებიდან“: როდესაც თხოთის მთაზე ნადირობისას მირიანს მზე დაუბნელდება, იგი ამაოდ ევედრება საშველად არმაზსა და ზადენს — მხოლოდ ნინოს ღმერთის მეშვეობით უნათლდება მას ბნელი. პროფ. რ. სირაძეს მართებულად მიაჩნია ეს ეპიზოდი კონვენციურ მოტივად, რომელშიც განქიქებულია მზის ღმერთობა. ჩვენის მხრივ დავძენდით, რომ ეს ეპიზოდი სულიერი მზის (ქრისტიანობა) ფიზიკურ მზეზე (წარმართობა) ძლევის ზემოთ მოხმობილი ფსალმუნისეული სიტყვების (71:17) ის-

²² ჰენოთეიზმი — ერთი ღმერთის თაყვანისცემა სხვა ღმერთების უარყოფის გარეშე.

²³ А. Д р е в с. Происхождение христианства из Гностицизма. М., 1930, с. 78.

²⁴ G. H a n f m a n. The Season Sarcophagus in Dumbarton Oaks, Cambridge, 1951, vol. I. p. 201.

²⁵ რ. სირაძე, ქართული აგიოგრაფია, თბ., 1978, გვ. 92.

ტორიულ პლანში განსახოვნება — ის, ვისი სახელიც „უწინარეს მზესა აგებულა“. ხდება მირიანის ინიციატიამქმნელი უშუალოდ ფიზიკური მზის დაბნელების შემდგომ. საცნაურია, რომ მაცხოვარი, ზაქარია და ლუკას სიტყვების დარად, აქაც „აღმოსავალის“ ლოკალითაა მონიშნული: „გამობრწყინდა მზე... (მირიანმა) განიპყრნა ხელი აღმოსავალით (ხაზი ჩვენია, მ. გ.) ცად მიმართ და თქუა: „შენ ხარ ღმერთი ყოველთა ზედა ღმერთთა“. (ქ. კ. 1955 გვ. 110). ასევე: „ხოლო წმინდა ნინო ასწავებდა და ეტყოდა მსწრაფლ თაყუანისცემად აღმოსავალით და აღსარებად ქრისტეს ძისა ღმრთისა“ (იქვე). ქრისტიანული სოლარული თეოლოგიის აღმავლობისა და წარმართული სოლარიზმის დაცემის ხანა — IV ს.²⁶ თვალსაჩინოს ხდის ამ მოვლენისა და მირიანის მოქცევის ქრონოლოგიურ პარალელიზმსაც, რაც, ცხადია, არ უნდა იყოს შემთხვევითი, რამდენადაც მოქცევის ეპიზოდი სხვა არაფერია, თუ არა ამ პროცესის სიმბოლურ-ხატოვანი ასახვა.

ადრეშუასაუკუნეების პატრისტიკა ხშირად იხსენიებს ქრისტე-პელიოსს, როგორც „მეუფეს წელიწადისას“; მკვლევართა აზრით, სახარებაში ქრისტესა და თორმეტი მოციქულის ქმედებები შეესაბამებიან მზის გზას თორმეტ ზოდიაქოში, რამდენადაც ქრისტე არის მზის სული, ხოლო მოციქულები ზოდიაქურ სულებს განასახიერებენ²⁷. IX ს. ბიზანტიური ხელოვნების ძეგლი — პტოლემეაიოსის სახელით ცნობილი

²⁶ G. Hanfman: დასახ. ნაშრ., გვ. 256.

²⁷ H. Bekh, Die Kosmische Rhythmus in Markus-Evangelium, Stutt. 1960, p. 5-8-; T. Daniélou, Les douze Apôtres et le Zodiaque, Vigiliae Christianae XII (1959). 14-21; XIII (1959) 14-21; ხოლო იუდაისტურ ხელოვნებაში, რომელიც ერთგვარ შემავსებელ რგოლად შეგვიძლია წარმოვიდგინოთ ბერძნულ-რომაული სამყაროს კლასიკურ და ბიზანტიისა და დასავლეთის შუა საუკუნეთა საკრალურ ხელოვნებას შორის, ზოდიაქოები სიმბოლურად ისრაელის თორმეტივე ტომს გამოსახავდნენ, რაც თავის დროზე მეტად გავრცელებული ლიტერატურული თემა გახლდათ. პალესტინის ისტია ეერაზას სინაგოგის მოზაიკაზე თორმეტი ტომის თორმეტი მედალიონია (ეს ბიბლიური თემა XX ს-ში მარკ შაგალმა განაახლა იერუსალიმის სინაგოგის სარკმელებზე). — ეერარ დე შამპო, „სიმბოლოთა სამყარო“, თარგმანი ნინო გოგიჩაიშვილისა, „რელიგია“, 1993, 6-7, გვ. 66.

ხელნაწერის მინიატურა ვატიკანის ბიბლიოთეკიდან წარმო-
გვიდგენს კონცენტრული წრის ცენტრში გამოსახულ ოთხრა-
შიან ეტლში მდგომ მზე — ჰელიოსს სფეროთი ხელში, მას
თორმეტი ადამიანის ფიგურა არტყია გარს, რომელთაგან
თითოეულს ზოდიაქოს თითო ნიშანი შეესაბამება²⁸ (სურ. 5).

შემთხვევითი როდია, რომ ქრისტეს შობა მზის ზამთრულ
ნაბუნობას მოსდევს, ხოლო აღდგომის დღედ კვირაა მიჩნეუ-
ლი, როგორც მზის დღე. (აქვე უნდა გავიხსენოთ მთიელთა
უძველესი წარმართული ღვთაების კვირიას კულტი, რომელიც,
მკვლევართა აზრით, იგივე ქრისტე, ძე ღმერთია)²⁹.

საერთოდ ღვთაების სინათლე. ნათელ არსებად, მზედ
წარმოდგენა ცნობილი მეტაფორაა ღვთისმეტყველებაში³⁰.
ქრისტიანული რელიგია გვასწავლის, რომ ღმერთის ბრწყინვა-
ლება არს ვითარცა მზის ნათელი (გამოცხ., 16; 10,1; ეზეკ.
1,27), „უფალი ღმერთი მზე არს“ (ფსალმ. 83. 12) „ღმერთი
ნათელ არს“ (იოან. 1.5) „ნათელი მოვიდა სოფლად“ (იოან.
3. 9). საეკლესიო ჰიმნოგრაფიაში ხშირად ვხვდებით განმარ-
ტებებს ღვთაებისას „მზე გონიერი“, „ნათელი სამბწყინვალე“,
„მზე ჭეშმარიტებისა“, „მზე სიმართლისა“, „მზე დაუვალი“
და სხვა. უამრავი ნიმუშის მოტანა შეიძლება ქართული ჰიმ-
ნოგრაფიიდან, გავეცნოთ რამდენიმეს:

„აღმობრწყინდა მზეი სიმართლისაი და განანათლნა კი-
დენი ქუეყანისანი აღდგომისა მისისა მადლითა“ (იოანე მინ-
ჩხი, ს. 3. V).

„გიხაროდეს, შენ, აბრაჰამ, პირველ მამამთავარო... რა-
შეთუ თესლისაგან შენისა აღმოცენდა დღეს მზეი ბრწყინვა-
ლელი, რომელი ეგულვებოდა კაცთა ხსნისათვის“³¹.

²⁸ Е. Л и н щ и ц. Очерки истории Византинского общества и культуры, М., 1961, с. 389; В. Л а з а р е в, История Византинской живописи, Т. III, с. 67, 293; К. W e i t z m a n, Die Byzantinische Buchmalerei, s. 1 f.

²⁹ ნ. ლეკიაშვილი, ქართველ მთიელთა რელიგიური ცენტრალ-
თები, „მაცნე“, 1985.

³⁰ კ. კეკელიძე, ეტიუდები, ტ. VIII, 1981, გვ. 192.

³¹ კ. კეკელიძე, კიმენი. 1918, ტ. 1, გვ. 11.

„დაულამებელი მზეი ქალწულისა საშოსაგან გამობრ-
წყინვებად მოვალს. რაითა განანათლნეს მან დაბნელებულნი“
(იოანე მტბევაარი, ს. პ. 54).

„ნათელი ჭეშმარიტი, სიმართლისა მზეი, რომელი მოივ-
ლინა ზეცით მამისა მიერ, იშვა წმიდისაგან ქალწულისა, გა-
ნანათლნა მყოფნი ბნელისანი“ (კილ-ეტრატის იადგარი, 1977,
34).

„საფლავთ აღმობრწყინდი მზეი სიმართლისაი“ (მიქაელ
მოდრეკილი ს. პ. 515).

VIII ს. აგიოგრაფიული ძეგლი — იოანე საბანისძის
„აბო ტფილელის მარტვილობა“ გვაცნობს ღვთის სიმბოლურ
სახელებს, რომელთაგან ერთ-ერთს — „მზე სიმართლისას“
საბანისძე წინასწარმეტყველ მალაქიას სიტყვებით განმარ-
ტავს³².

ქრისტიანულ რელიგიასთან ზიარება ქართულ ენაში გაა-
ზრებულია როგორც მონათვლა, ზიარება ნათელთან (კ. კე-
კელიძე, რ. სირაძე). სამეცნიერო ლიტერატურაში აღიარე-
ბულია, რომ ქრისტიანული ნათლობა ჩაენაცვლა მზესთან ინი-
ციაციის ძველთაძველ მოტივებს³³. მათი გამოძახილია „ქარ-
თლის ცხოვრებაში“ პოეტურ მარგალიტებად გაბნეული ფარ-
ნავაზის სიზმარი — სულიერი მზის ხილვა ფარნავაზის მიერ.
აგრეთვე „ქუაბში“ საუნჯის პოვნა, რაც სიმბოლოა
მისტერიალურ, ეზოთერულ სიბრძნესთან ზიარებისა,
ამას მოსდევს მირიანის ქრისტიანული ინიციაცია თხოთის
მთაზე — ფიზიკური მზის დაბნელება და ხილვა სულიერი
მზისა, ქრისტე — მზისა, რომლის ნათელი საცნაური ხდება
შინაგანი სულიერი ნათლის წყალობით.

მზე — ქრისტეს სიმბოლიკა აირეკლა არა მარტო საღვ-
თისმეტყველო თხზულებებსა და ლიტურგიულ პოეზიაში,
არამედ იკონოგრაფიაშიც. რომში, წმ. პეტრეს ბაზილიკის

³² ი. ა ბ უ ლ ა ძ ე, შრომები III 1982, გვ. 235. კ. კეკელიძე ამ სიმ-
ბოლოთა წყაროდ მიიჩნევს ფსევდო დიონისე არეოპაგელის თხზულებას
„საღმრთოთა სახელთათვის“ — ადრინდელი ფეოდალური ქართული ლი-
ტერატურა, თბ. 1935, ნაკვეთი 1, გვ. 73.

³³ ც. ი ნ წ კ ი რ ვ ე ლ ი, საქართველოს ეროვნული დროშის ფერთა
სიმბოლიზმისათვის „განთიადი“ № 6 გვ. 123.

ქვეშ, ჩვენი საუკუნის 50-იან წლებში აღმოჩენილ იქნა იუ-...
ლიუსის მავზოლეუმის მოზაიკა — გამოსახულებისა და შეს-
რულების მანერის თვალსაზრისით, ერთ-ერთი უადრესი ქრისტიანული ხანის (III ს.) ძეგლი. მავზოლეუმის პლაფონის
ოქროს ფონზე. ვაზის ლერწმა და ფოთლებს შუა გამოახუ-
ლია უწვერო მამაკაცის ფიგურა ტუნიკითა და მოსახამით,
შარავანდით, რომლის სხივები ჯვრის ფორმას ქმნიან. მამაკა-
ცი დგას ოთხრაშიან ეტლში (ოთხი სახარების სიმბოლო),
მარცხენა ხელით უპყრია სფერო (სურ. 6) (მდრ. პტოლემეო-
სის ილუსტრაციის ცენტრალურ ფიგურას). იგი სხვა არვინაა,
თუ არა ქრისტე — ჰელიოსი, „ახალი და ჰემმარტი მზე“,
„მზე სიმართლისა“³⁴. სიმბოლური ენა ამ გამოსახულებისა
ნასესხებია წარმართული ხანის ნიმუშებიდან — გავიხსენოთ
ანტიურ ხელოვნებაში გავრცელებული მზე — ღვთაების
გამოსახულებები ოთხრაშიან ეტლ — კვადრიგაში.

პარიზის ნაციონალურ ბიბლიოთეკაში დაცულ, „Melot-
hesia“-ს (ზოდიაქოს კაცი) სახელით ცნობილი XI ს. მინია-
ტურაზე (რომელიც ბიზანტიური სქემის ასლადაა მიჩნეული),
წარმოდგენილია ქრისტე — ჰელიოსი ზოდიაქოს ნიშნებიან
წრეში, ხოლო კუთხეებში, დიაგონალურად, მედალიონებით
შემოსაზღვრული ოთხი ფიგურა განასახიერებს წელიწადის
დროებს³⁵ (სურ. 7).

აქვე გვინდა წარმოვადგინოთ ქრისტე — Oriens-ის გა-
მოსახულებები, რომლებიც ამ ასპექტით შესწავლილ იქნა
პროფ. ე. კანტოროვიჩის მიერ.

ეაა ილუსტრაცია ზაქარიას წინასწარმეტყველებისა, რო-
მელსაც მეცნიერი იმოწმებს, როგორც იკონოგრაფიულ ილუს-
ტრაციას ქრისტე Oriens-ისას: პარიზის XI ს. ბერძნული სახა-

³⁴ J. T o y n b e e, J. P e r k i n s. The Shrine of st. Peter and the Vatican excavations, London, 1956, p. 72.

³⁵ E. K a n t o r o w i c z, დასახ. ნაშრ., გვ. 135; აგრეთვე B r e n-
d e l, Die Antike XII. 280; H u g o B u t c h a l, The Miniatures of the Paris Psalter (London, 1938, pl. XXVII, fig. 87); H. B o b e r, Journal of the Warburg and Courtauld Institutes, XI (1948), 14, note, 3, pl. III b.

რების მინიატურაში ზაქარია აუწყებს ხალხს ეპიფანიას, გამოცხადებას Oriens ex alto (აღმოსავლისა მაღლით). რომელიც წარმოდგენილია მზის დისკოში ჩაწერილი მაცხოვრის ნახევარფიგურის სახით (სურ. 8)³⁶ და რომლისკენაც წინასწარმეტყველი მიუთითებს გაწვდილი მარჯვენა ხელით. იგივე თემის ვარიაციას ვხვდებით ვატიკანის ბერძნულ ფსალმუნში: ზაქარია მუხლმოდრეკილი ლოცულობს. კლდის თავზე, ცისკამარის ქვეშ მოჩანს ამომავალი მზის დისკო ქრისტეს ბიუსტით (სურ. 9). ეს გამოსახულება, რომელიც ხშირად გვხვდება შუასაუკუნეების სახარებისა თუ ფსალმუნთა ილუსტრაციებში, მეცნიერთა მოსაზრებით, ადრექრისტიანული ხანიდან უნდა იღებდეს სათავეს³⁷.

მაცხოვრის ბიუსტი ასევე მზის დისკოშია წარმოდგენილი IX ს, ცნობილ ბიზანტიურ ძეგლზე — ხლუდოვის ფსალმუნში, სადაც ქრისტე-ჰელიოსი დაკავშირებულია წინასწარმეტყველ ამბაკუმთან, რომელსაც, ნიშნად ჩვენებისა, მაცხოვრისაკენ აღუპყრია მარჯვენა ხელი (სურ. 10)³⁸.

მოხმობილი მაგალითებით, საღმრთო წერილში გახშიანებული ალეგორია „აღმოსავლისა“, (მზე-ქრისტესი) იკონოგრაფიულად განსახოვნდა მზის დისკოში, მედალიონში ჩაწერილი მაცხოვრის ნახევარფიგურის (ბიუსტის) სახით.

ქართლში, სოფ. თელოვანის ჯვარპატიოსნის ეკლესიის მოხატულობაში (IX ს.) საკურთხევლის მეორე რეგისტრზე გამოსახულია სცენა, რომლის ცენტრში, სარკმლის თავზე, მედალიონში წარმოდგენილია მაცხოვრის ნახევარფიგურა, მის ორსავე მხარეს — მოციქულთა ფიგურები (სურ. 11)³⁹. მათგან ორი, მარჯვენა, ზაქარიასა და ამბაკუმის დარად, გაწვდილი

³⁶ Paris; Bibl. Nat., MSgr 74, fol 107: H. A. O m o n t, *Evangiles avec peintures Byzantines* 5 (Paris, 1908) pl. 95; E. K a n t o r o w i c z, დასახ. ნაშრ. გვ. 145.

³⁷ Vat. gr. 1927, fol. 285; E. De W a l d, *The Illustrations in the Manuscripts of the Septuagint, III; Psalms and odes, part I Vaticans graecus* 1927 (Princeton, 1941), Pl. L XXI.

³⁸ М. Щ е п к и н а. Мниятювы Хлудовской Псалтыри, Греческий иллюстрированный кодекс IX века. М., 1977.

³⁹ Т. Щ е в я к о в а, დასახ. ნაშრ., გვ. 6.

ხელის მტევნით ორიენტირებულია მაცხოვრისაკენ, რომელიც კომპოზიციური და აზრობრივი ღერძია გამოსახულებისა, რაც თუნდაც, მოციქულთა ქესტითაა ხაზგასმული⁴⁰. საგულისხმოა ტ. შევიაკოვას ვარაუდი ამ კომპოზიციის სხვა სცენათაგან იზოლირების შესახებ, რაც გვაფიქრებინებს, რომ იგი გარკვეული სიმბოლიკის მატარებელი უნდა ყოფილიყო. თუ ამ

⁴⁰ ამ ძეგლთან დაკავშირებით ს. Z. Skhirtladze, *The Mandilion in Mediaeval Georgian Literature and Art. Sixteenth Annual Byzantine Studies Conference, Baltimore Maryland, October 26–28, 1990* მოხსენებათა თეზისებით გვ. 33 და ქ. მიქელაძე, „ხელთუქმნელი ხატის გამოსახულება XII—XIII საუკუნეების ქართულ კედლის მხატვრობაში“. („ლიტერატურა და ხელოვნება“, 3, 1991). სადაც ჭვარპატიოსნისეული მაცხოვარი განიხილება, როგორც „ხელთუქმნელი ხატი“, „პირი ღვთისა“, „მანდილიონი“, რაც არის „უცვალებელი სახე მაცხოვრის განკაცებისა“, მისი ხილული მხარე, უნდა ითქვას, რომ ეს მოსაზრება გარკვეულწილად უკავშირდება ჩვენს ვარაუდს, რამდენადაც ორივე მათგანს საერთო თეოლოგიური წანამძღვრები აქვს — ესაა „საიდუმლო დაფარული“ მაცხოვრის განკაცებისა, რომლის ერთ-ერთ სიმბოლურ სახედ Oriens-იც გაიაზრება; ამის დასტურია ბიზანტიური იკონოგრაფიული ტიპი ე. წ. „ვლადქერის ღვთისმშობლისა“, რომლის მკერდზე მედალიონში (მზის დისკოში) გამოსახული მაცხოვარი, მეცნიერთა განმარტებით, არის ხატი განსხეულებული ღმრთისა (A. Grabar, *L'iconoclasme Byzantin*, Pariz, 1957, გვ. 254) ღვთისმშობლიდან „მზე სიმართლისად“ ამოსული (E. Kantowicz დასახ. ნაშრ. გვ. 147). მაცხოვრის „მზე სიმართლისად“ განსხეულების მომენტი ფართოდ აისახა აღმოსავლეთის ეკლესიის ლიტურგიაში, კერძოდ, ღვთისმშობლისადმი მიძღვნილ ჰიმნებში: „კარვად სამეუფოდ გამოჩნდი, ღმრთისმშობელო, რამეთუ შენგან გამობრწყინდა სიმართლისა მზეი, მხსნელი და მაცხოვარი სულთა ჩუენთაი“ („უძველესი იადგარი“). მაცხოვრის ბიუსტი მედალიონში ხატთაყვანისმცემელთა ინსიგნიად იქცა (ამადაც მუსრავენ ხატმებრძოლნი მასვილით მაცხოვრის ამ გამოსახულებას ერთ-ერთ ბერძნულ მინიატურაზე), — ესაა „ღმრთისა საჩინოი სახე, დიდი ესე და ყოვლად მბრწყინვალე და მარადის მნათობი მზე“ (დიონისე არეოპაგელი), ან „პირი მისი, ვითარცა მზეი ბრწყინავს ძალითა მისითა“ გამოცხ. 1,16. ვფიქრობთ, თელოვანის მაცხოვრის იკონოგრაფიული გააზრება საკითხთა ამ წრეს უნდა უკავშირდებოდეს და ამდენად, თავისთავად მნიშვნელოვანი ისტორიული რეალია ანტონ მარტყოფელის მიერ საქართველოში ჩამოტანილი კეცზე აღბეჭდილი ხელთუქმნელი ხატის შესახებ, ჩვენი აზრით, ვერ გამოდგება თელოვანის მაცხოვრის კეცის მსგავს წრიული ფორმის ჩარჩოს სახით მანდილიონის იკონოგრაფიული განსახოვნების არგუმენტად.

სიმბოლიკას საღმრთო წერილისეულ „აღმოსავალს“, მზე-
ქრისტეს დაუკავშირებთ, მაშინ ამ მოსაზრების საარგუმენ-
ტაციოდ იკვეთება რამდენიმე მომენტი: მაცხოვარი მედა-
ლიონში წარმოდგენილია ეკლესიის აღმოსავლეთ მხარეს, აფ-
სიდის სარკმლის (ცის კამარის) თავზე, რაც ლოგიკურია ამ
შინაარსის მქონე გამოსახულებისათვის. გარდა ზემოაღწე-
რილ მინიატურებთან სახეობრივი ანალოგიისა, ნიშანდობ-
ლივია მათი ერთ ქრონოლოგიურ ჯგუფში, IX—XI სს. ხატ-
მებრძოლობის შემდგომ პერიოდში მოქცევა. მედალიონს
შემოსაზღვრავს შავი ზოლით გარშემოვლებული წითელი
ფერის წრე, რომელიც კომპოზიციის საერთო ფერწერულ
ტონალობაში დომინანტად აღიქმება. საზოგადოდ, წითელი
ფერი სამეცნიერო ლიტერატურაში მიჩნეულია სინათლის,
უფრო ზუსტად, კოსმიური ნათლის სიმბოლოდ⁴¹.

⁴¹ ეს მოსაზრება სხვადასხვა ქვემოთ მოხმობილ წყაროებზე დაყრ-
დნობით არგუმენტირებულია კარლ ლეჰმანის ნაშრომში „ზეციურ გუმ-
ბათი“ (Karl Lehman, The Dome of Heaven, the Art Bulletin, 1915,
№ 27, 1—27)— ავტორი, განიხილავს რა ზეციური კამარის უძველეს ნიმუშს
ძვ. წ. V ს. ეტრუსკული სამარხიდან, აღნიშნავს, რომ კესონის კუთხეებში
დიაგონალურად განლაგებულ ოთხ სირინოზზე დაყრდნობილი ბორდიუ-
რიანი დისკოს (სქემატური თუ იდეური თვალსაზრისით, როგორც ქვემოთ
ვნახავთ, აკურის კომპოზიციის შორეული წინასახე) წითელი ფერი სი-
ნათლის სიმბოლოა: D. Wunderlich, Die Bedeutung der roten Farbe,
Giessen, 1925, pp 96b; სან მარკოს ტაძრის პირველ გუმბათში ნათლის
ბნელისაგან გამოყოფის სცენაში სინათლის სფერო ინტენსიური წითე-
ლია, ბნელის — მოლურჯო-მომწვანო: A. Gayet, L'art Byzantin, I,
Paris. 1901, pl. 22. ბიზანტიურ ხელოვნებაში ვარსკვლავები წითელი გულით
ზოგჯერ წარმოგვიდგენენ სინათლის ემანაციის წყაროს Ibid II, qL 19,
ცნობილ ესაიას ლოცვაში პარიზის ფსალმუნიდან ღამის საბურველი
ლურჯია, ხოლო ზეცა, რომლიდანაც ღმერთის ხელი გამოდის — ღია
წითელი: E. Omon t, Miniatures des plus anciens manuscrits grecs,
Paris, 1929, pl. 12; პლინიუსის აღწერით, წითელი არის ზეცის ფერი
(Nat. Hist. XIX 6); ამავე წყაროებს იმეორებს ე. პრივალოვა ქარ-
თული ძეგლების — ატენის, ბოჭორმის, ვარძიის, ტიმოთესუბნის „ზეციუ-
რი სფეროს“ წითელი ფერის სიმბოლური ენის გააზრებისას: E. П р и-
в а л о в а, Роспись Тимотеусьбни, Тб., 1980, с. 173.

გარდა ამ ძეგლისა, აკურას მაცხოვარს უახლოესი შინაარსობრივი პარალელი მოეძებნება წირქოლის (ქართლი, ქსნის ხეობა) IX ს. ეკლესიის ნართექსის დასავლეთ შესასვლელ კარის თავზე, სადაც ბორბლის ცენტრში⁴² წარმოდგენილი წრიული ფორმის სქემატურად გამოსახული თავი ადამიანისა, ჩვენი ვარაუდით, ასევე სოლარულ ნიშანთან დაკავშირებული მაცხოვრის სახეა, ქრისტე-ჰელიოსია⁴³ (სურ. 12). მოხატულობა არქიტექტურის თანადროულია. ნიშანდობლივია, რომ ამ გამოსახულებაშიაც კარბობს წითელი ფერი.

ყოველივე შემოთქმულიდან გამომდინარე მიგვაჩნია, რომ აკურას ბაზილიკის აღმოსავლეთ ფასადზე ქრისტეს გამოსახულება მზის სხივებით დისკოში clipeus-ში იკონოგრაფიულად მზე-ქრისტეს, ქრისტე-ჰელიოსის, ქრისტე-აღმოსავლის მნიშვნელობას იძენს და მისი სიმბოლიკა ჯერ კიდევ ქრისტიანობამდელი რელიგიურ-ფილოსოფიური აზროვნების წიაღში კპოვებს დასაბამს.



საკითხის სრული სახით გაანალიზება ბუნებრივია, გულისხმობს ოთხი გამოსახულების (შარავანდიანი თავები) რაობის დადგენასაც.

ასევე აღსანიშნავია, რომ ქრისტიანულ ღვთისმეტყველებაში ღვთაების სიმბოლოს — სამპიროვანი მზის ერთ-ერთი ჰიპოსტასია სინათლე „დისკო მზისა — მატერია, სინათლე და სითბო) — კ. კ ე კ ე ლ ი ძ ე, ეტიუდები. ტ. 11, 1981, გვ. 192.

42 მზისა და ბორბლის საყოველთაოდ ცნობილი კავშირების შესახებ ამჟერად მკითხველის ყურადღებას არ შევაჩერებთ (იხ. ვ. ბარდაველიძის შრომები); *Encyclopedic Dictionary of the Bible* (London, 1963, p. 2359) განმარტავს: „მზე სამართლის ღვთაებაა, უზენაესი მართლმსაჯულია, რომელიც ყველას სამართლიანად მიუზღავს ცოდვა-მადლს თავის მთავარ ტაძარში—ē – babbar-ში), რასაც შუმერულად „ამომავალი მზის სახლი“ (ქქია); შდრ. ē – babbar სვანურ მზის ღვთაება ქალ-ბაბარს.

43 მზე-ქრისტეს ყოველთვის არა აქვს სპეციფიკურად „აღმოსავლის“, Oriens-ის მნიშვნელობა, E. K a n t o r o w i c z დასახ. ნაშრ., გვ. 145.

როგორც აღვნიშნეთ, პარიზის XI ს. Melothesia-ს მი-...
ნიატურაზე მედალიონში წარმოდგენილი ნახევარფიგურები
განასახიერებენ წელიწადის დროებს. მათგან აკურას გამო-
სახულებების რიგი სახეობრივი განსხვავებების მიუხედავად,
ორივე ძეგლის საერთო კომპოზიციური ხასიათი მიგვანიშნებს
მათ გარკვეულ იკონოგრაფიულ სიახლოვეზე.

პარიზის მინიატურაზე წელიწადის დროებს — ჟამებს⁴⁴
ხელში დროთა შესაბამისი ატრიბუტებით მედალიონში გა-
მოსახული ნახევარფიგურები წარმოგვიდგენენ, აკურაში
მხოლოდ შარავანდიანი თავებია; კონცენტრული წრის დია-
გონალზე განლაგებული ოთხი გამოსახულება ორივე შემთხვე-
ვაში უკავშირდება ქრისტე-ჰელიოსს.

რომში, წმ. პეტრეს ბაზილიკის ქვეშ, იულიუსის მავზო-
ლეუმის გვერდით, გაითხარა კიდევ ერთი ძეგლი, ფანიას მავ-
ზოლეუმის სახელით ცნობილი. იგი ძვ. წ. II ს. თარიღდება.
მავზოლეუმის თაღზე ხუთი მედალიონია, ცენტრში — ოთხ-
რაშიან ეტლში გამოსახულია ჰელიოსი, რომელიც, მეცნიერთა
აზრით, იგივე ქრისტეს ფიგურაა⁴⁵, ხოლო დანარჩენ ოთხ მე-
დალიონში — ჟამნი (სურ. 14).

ჟამთა სიმბოლური გამოსახულებების ისტორია არქაული
პერიოდიდან იღებს სათავეს. ისინი გვხვდება არა მარტო
რომაულ სარკოფაგებსა და დასაკრძალ საკურთხევლებზე,
არამედ ტაძართა კედლებზე, იატაკზე, პლაფონზე. ძირითადი
სქემა მათი გამოსახვისა შემდეგია: ცენტრალური მედალიო-
ნი (Imago Olypeata) მიცვალებულის, ან იმპერატორის ბიუს-
ტით და ირგვლივ ოთხი მედალიონი ჟამთა პერსონიფიცირე-
ბული გამოსახულებებით. ბერძნულ-რომაული ხელოვნების
ნიმუშების მიმოხილვა ცხადყოფს, რომ ჟამთა იკონოგრაფია
არ იყო მკაცრად კანონიზებული და შესაბამისად, მათი

44 მიზანშეწონილად მივიჩნევთ წელიწადის დროთა ბიბლიისეული
სახელწოდებით — „ჟამნი“ მოხსენიებას („და თქუა ღმერთმან იქმენ
მნათობნი სამყაროსა შინა ცისასა მნათობად ქუეყანასა გასაყოფელად შო-
რის დღისა და შორის ღამისა და იყუნედ სასწაულებად დღეებად და ჟა-
მებად და წელიწადებად“. (დაბად. 1, 14).

45 J. Toynbee, J. Perkins, დასახ. ნაშრ., გვ. 42.

პოზა და ატრიბუტებიც, არ ატარებდნენ დოგმატურ ხასიათს⁴⁶. ისინი შეიძლება წარმოდგენილი იყოს იდეალიზირებული ქალების, ყმაწვილების, გლეხების, მონადირეების, მწყემსების — ჩვეულებრივი ცხოვრებისეული პერსონაჟების სახით. მათ ადგილს უმეტეს შემთხვევაში იკავებს მითოლოგიურ პორატა გამოსახულება.

ასევე მეტად მრავალფეროვანია ოთხი ჟამის იკონოგრაფიული ვარიანტები ქრისტიანული ხანის ხელოვნებაში. მათი ფართო მიმოხილვა ამჟამად სცილდება ჩვენი წერილის მიზანს, მხოლოდ აკურასთან ტიპოლოგიურად ახლო მდგომ ძეგლებზე გავამახვილებთ ყურადღებას.

როგორც გ. ჰანფმანი აღნიშნავს, ბიზანტიურმა ხელოვნებამ სამყაროს გამოსახვა კონცენტრული წრისა და ოთხ ჟამის სახით ანტიური სქემიდან მცირედი სახეცვლილებით შეითვისა⁴⁷.

ანტიური ხანიდან ჟამებს როგორც ქალთა, ასევე მამაკაცთა ფიგურები წარმოგვიდგენენ, თუმცა არც თუ იშვიათია მათი გამოსახვა ანგელოზთა სახით — როგორცაა ჟამთა გამოსახულებები ადრიანეს ვილა და სან ვიტალეს პრესბიტერიუმიდან⁴⁸ (ეს უკანანასკნელი მართლმადიდებლური ტაძრის ბემის შესატყვისია).

სამყაროსა და დროის იუდაისტური სოლარული სისტემა ჟამებს ფრთოსან ანგელოზთა სახით წარმოგვიდგენს (გვიან-ანტიკური ხანის მოზაიკა ბეთ-ალფადან.), რომელიც სახეობრივ მსგავსებას ავლენს ჟამთა ქრისტიანულ ფრთოსან ანგელოზთან, რაც მოწმობს მოვლენათა საყოველთაობას, მას, რომ სხვადასხვა რელიგიებისა თუ დროის ხელოვნებაში ამ ორ სუბიექტს-ანგელოზებსა და ჟამებს ერთნაირი, უნივერსალური ფორმით წარმოისახავდნენ, რამდენადაც მათ კოსმიური სიმბოლოს მნიშვნელობა ჰქონდათ.

რაც შეეხება შარავანდს, ის, როგორც ჟამთა იკონოგრაფიული ატრიბუტი წინაქრისტიანულ ხანაში საკმაოდ იშვია-

⁴⁶ G. Hanfman, დასახ. ნაშრ., თავი VI.

⁴⁷ G. Hanfman, დასახ. ნაშრ., გვ. 264.

⁴⁸ Karl Lehman. The Dome of Heaven, 7f., 15f., Figs 10 და 45.

თად გვხვდება, ხოლო ქრისტიანულ ძეგლებზე, გარდა ზემოაღნიშნულ „Melothesia-სი (სადაც შარავანდს მედალიონი ცვლის), იგი გვაქვს „Divine Election“-ის სახელით ცნობილ მინიატურაზე Notita Dignitatum-იდან, სადაც მედალიონით შემოსაზღვრული ჟამთა შარავანდიანი ნახევარფიგურები განლაგებულია არა კონცენტრული წრის, არამედ მართკუთხა, აკლდამისებური სტრუქტურის მქონე გამოსახულების კუთხეებში (სურ. 14), მინიატურა IX ს-ით თარიღდება, თუმცა მისი თავდაპირველი ნიმუში, მკვლევართა მოსაზრებით, IV ს-ზე გვიანდელი არ უნდა იყოს⁴⁹.

საცნაურია, რომ ყოველთვის უცვლელი იყო ჟამთა რიცხვი — ოთხი, რომლის სიმბოლიკა უძველესი დროიდან მომდინარეობს — სამყაროს კოსმიური წესრიგი ოთხი რიცხვის კონფიგურაციას ეფუძნებოდა. ჯერ კიდევ პითაგორელები ოთხი რიცხვის (tetraktus) მსახურნი და თაყვანისმცემენი იყვნენ, მიიჩნევდნენ რა მას „წყაროდ და ფუძედ“ მარადიული ბუნებისა“. ჟამნი შედარებულია ადამიანის სიცოცხლის ოთხ ეტაპთან ძველ პითაგორულ პოემაში „ოთხი“⁵⁰. მზის ოთხი ტროპიკული წერტილი, რომლებიც წელიწადის ოთხ დროს შეესაბამებიან, დიდ როლს თამაშობდა ასტროლოგიაში — ამ დარგში ცოდნის დაგროვებამ (V—IV სს.) განაპირობა ჟამთა ტეტრადული სისტემის შემუშავება ფილოსოფოსთა და მეცნიერთა თხზულებებში.

როგორც ფ. კუმონი აღნიშნავს, აღმოსავლურმა, კერძოდ, ეგვიპტურმა რელიგიამ შეიმუშავა სისტემა მზისა და ჟამთა შესახებ, რომელიც შემდგომ ცნობილი გახდა ბერძნულ-რომაული სამყაროსათვის⁵¹. ეგვიპტელთათვის მზე-ღვთაების სიცოცხლის ფაზები — ბავშვობა, ყრმობა, მოწიფულობა და სიბერე შეესატყვისებოდა წელიწადის ოთხ დროს — ჟამს.

ელინისტური ხანის სტოიკურმა თეოლოგიამ ჰელიოსი ზევსის ტოლფასად მიიჩნია, რომელიც, ისევე როგორც ნებისმიერი ოლიმპიელი, ხდება განსახიერება უზენაესი ღვთაებისა. პლუტარქე აღნიშნავს, რომ ჰელიოსი განაგებს სამყაროს

⁴⁹ G. Hanfman, დასახ. ნაშრ. გვ. 266.

⁵⁰ G. Hanfman, დასახ. ნაშრ. გვ. 73.

⁵¹ F. Cumont. დასახ. ნაშრ. გვ. 73.

წესრიგს და მართავს წელიწადის დროებს — შესაბამისად, ძველ სამყაროში ასტროლოგიური რუქები, დროის კალენდარი წარმოისახებოდა კონცენტრულ რადიალურ სხივებიან წრეში წარმოდგენილი ჰელიოსით და მასთან დიაგონალურად დაკავშირებული ოთხი ჟამით.

ნეოპლატონიზმი ხედავს ჰელიოსში (მზეში) ხილულ გამოსახულებას უზენაესი ღვთაებრივი არსებისას. მათი სოლარული ნააზრევი გარკვეულ გავლენას ახდენდა გვიან წარმართობაზე. მაკრობიუსის აღნიშვნით, ძირითადი მიზანი ნეოპლატონური ფილოსოფიისა არის იმის ჩვენება, რომ მზე არის წინამძღოლი და მომწესრიგებელი კოსმოსისა, სამყაროსი, და რომ ყველა ღმერთი სხვადასხვა მიმართებაშია მის სხვადასხვა ასპექტთან — მზის, ჰელიოსის ადგილს იკავებს ზევსი, დიონისე, აპოლონი, ატრისი, ადონისი, მითრას⁵². მის ადგილს იკავებს მოგვიანებით, ქრისტე.

ქრისტიანობის გავრცელებასთან ერთად თანდათან იკვეთება ჟამთა ქრისტიანული სიმბოლიზმი. იგი ეფუძნება იმ მოსაზრებას, რომ ყოველი ეპიზოდი საღმრთო წერილისა შეიცავს ფარულ ჰემარიტებას ქრისტიანულ სარწმუნოებასა თუ დოგმაზე და რამდენადაც ჟამნი რამდენიმეჯერაა ნახსენები. ბიბლიასა და მოციქულთა წიგნებში, ბუნებრივია, ისინი იძენენ ახალ სიმბოლიზმს თითოეული ეპიზოდის ინდივიდუალური ინტერპრეტაციისას.

ქრისტიანობის გავრცელების პროცესში ნათლად ვლინდება უმთავრესი — ხდება სამყაროსა და დროის სოლარული სისტემის ადაპტაცია ქრისტიანულ მოძღვრებაზე — იკონოგრაფიაში ჩნდება რამდენიმე ქრისტიანული ელემენტი, როგორცაა სამოთხის ოთხი მდინარე (V ს. მოზაიკა ტეგუადან), შემდგომ, ცენტრალურ ფიგურას ენაცვლება ქრისტეს პრეფიგურაცია (როგორც ჩანს, ამ მნიშვნელობითაა წარმოდგენილი შუასაუკუნეების რამდენიმე ეკლესიის მოზაი-

⁵² მითრასა და ქრისტეს ურთიერთმიმართების შესახებ იხ. კ. კეკელიძე („ქრისტიანობა და მითრეიზმი“) ეტიუდები, ტ. II, 1945, სადაც ავტორი ახდენს ქრისტიანული და მითრეისტული თეოლოგიის, მორალისა და კულტის შედარებას და ხაზს უსვამს მათ სიახლოვეს.

კებში ანუსი — წელიწადი)⁵³ ხდება მითოლოგიურ ფიგურათა და ცენტრალური გამოსახულების ტრანსფორმირება ქრისტიანული სარწმუნოების შესაბამისად, რამდენადაც წარმართული სამყარო, კოსმოსი, ქრისტიანულმა კრეაციონიზმმა შეცვალა. ფსალმუნის სიტყვები „შენ შექქედი ყოველნი საზღუარნი ქუეყანისანი, შენ დაჰბადე ზაფხული და არე“ (73:17) ეკლესიის მამათა მიერ ქრისტესთან მიმართებით იყო გააზრებული) — გავიხსენოთ მაცხოვრის კოსმოკრატორული სიტყვები მათეს სახარებიდან, ან „...წმიდაო ღმერთო, რომელმან დააფუძნე ქუეყანაი წყალთა ზედა და ან: ცანი, ვითარცა კამარანი, მოსდრიკენ“ [უძველესი იადგარი, შობაი, გვ. 21].

ნიშანდობლივია, რომ ოთხი ეამის წარმართული სისტემა არ ყოფილა უარყოფილი ეკლესიის მამათა მიერ, ისევე როგორც კვირის დღეთა წარმართულ ღვთაებებიდან წარმოშობილი სახელები. არგუმენტი, რომელმაც რეალურად სასიცოცხლო მნიშვნელობა შეიძინა, იყო უძველესი რწმენა სამყაროს სრულყოფილობის შესახებ, რასაც, სხვასთან ერთად, ეამთა წესრიგიც მოწმობდა. იგი შეესატყვისებოდა ძველ იუდაისტურ რწმენას ღმერთის ეამზე (დროის ასპექტით) ძალმოსილების შესახებ: „სამყაროში იმდენად უტყუარად ცხადდება ღვთაებრივი წესრიგი, რომ მასში ჭეშმარიტად უნდა ერიოს ღმერთი“⁵⁴. ეს ღმერთი ქრისტიანთათვის არის ქრისტე, რომლის სახეშიც გადადის ეამთა სიმბოლიზმი: მზის შობა 25 დეკემბერს, ზამთრის ნაბუნობისას, მოგვაგონებს ქრისტეს შობას, გაზაფხულის მოსვლა — მის აღდგომას, შემოდგომა — მის მსხვერპლშეწირვას და სხვა. ქრისტიან ინტერპრეტატორთა განმარტებით (რომელთა განსაკუთრებული აქტიურობა IV ს-დან იწყება), ზამთარი არის დრო სიკვდილისა, გაზაფხულის საპირისპიროდ, რომელიცაა დრო აღორძინებისა — ახალმოქცეულნი ემსგავსებიან გაზაფხულს, მგზნებარე მორწმუნენი — ზაფხულს, შემოდგომის რთველი არის სიმბოლო ქრისტიანთა მოწამეობისა და სხვა. ტერტულიანეს აზრით,

⁵³ G. Hanfman, დასახ. ნაშრ., გვ. 264; K. Lehman, დასახ. ნაშრ., გვ. 18.

⁵⁴ G. Hanfman, დასახ. ნაშრ., გვ. 192.

ღმერთმა სამყარო შექმნა, როგორც წინასახე ადამიანის ალდგომისა: „მთავრდება წელიწადის დრონი და კვლავ ხელახლა იწყება; მთელი მოძრავი სამყარო არის მტკიცება მკვდრის ალდგომისა“.

საღმრთო წერილის მიხედვით მიეცა აგრეთვე ახსნა ოთხი რიცხვის სიმბოლიკას. ფილონმა ნეოპითაგორული ტეტრადული სისტემა შეუსაბამა ძველი აღთქმის ინტერპრეტაციას. მისთვის ძველი აღთქმა ნარატიული ისტორიაა, სიმყაროს ტეტრადული სისტემა კი — მარადიული ჭეშმარიტება. ფილონი და სხვა ქრისტიანი ინტერპრეტატორები წელიწადის ოთხ დროს, ელემენტებს (ჰაერი, წყალი, ცეცხლი, მიწა) დედამიწის ოთხ მხარეს. მზის ოთხრაშვიან ეტლს უპირისპირებდნენ სამოთხის ოთხ მდინარეს, ანგელოზთა ძალებს, აპოკალიფსურ ცხოველებს.

თვალი გავადევნოთ ამ მოვლენის იკონოგრაფიული განსახოვნებას „ზეციური სფეროს“ წარმართულ და ქრისტიანულ ნიმუშებზე:

ზემოთ მოხმობილი (შენ. 41) ეტრუსკული სამარხი Chiusi-დან წარმოგვიდგენს ზეციური კამარის უძველესი ინტერპრეტაციას — ესაა ბორდიურიანი წითელი დისკო დიაგონალურად განთავსებული ოთხი ციური ფრინველით — სირინოზით;

აკურას მზე — უფალი ქრისტე clipeus-ში ასევე დიაგონალურად წარმოდგენილი ოთხი უამით და ქრისტიანულ საკულტო ნაგებობათა თეოლოგიური პროგრამის კულმინაციური თემა: გუმბათში, ვარსკვლავებიან ცაზე (clipeus-ში) გამოსახული ქრისტე-პანტოკრატორი (ყოვლისმპყრობელი), ხოლო პანდანტივებზე ოთხი მახარებელი (ან მათი სიმბოლო-აპოკალიფსური ცხოველები) — წინარე კომპოზიციითა წმინდა ქრისტიანული ფორმადქმნა.

აკურას „მამა დავითი“ ილარიონ ქართველმა აღაშენა 855 წელს, IX ს. მეორე ნახევარი კი, როგორც ცნობილია, აღმოხველეთ საქრისტიანოში საეკლესიო მხატვრობის ახალი სისტემის, ახალი იკონოგრაფიული პროგრამის ფორმირების ხანა⁵⁶, რაც ამყარებს ჩვენს მოსაზრებას მასზედ, რომ აკურას ბაზილი-

⁵⁶ Б. Л а з а р е в, დასახ. ნაშრ., გვ. 62.

კის აღმოსავლეთ ფასადზე წარმოდგენილი კომპოზიცია როგორც იდეური, ასევე სტრუქტურულ-იკონოგრაფიული თვალსაზრისით ქრისტიანული გუმბათის ზეციური სფეროს იკონოგრაფიული სქემის წინასახეა, წარმართულიდან მასზე გარდამავალი საფეხურია.

ამ გამოსახულების ანალოგს ქართული ხელოვნების ძეგლთა შორის ჩვენ არ ვიცნობთ. სრულიად განსაკუთრებული მნიშვნელობის მქონე ამ ძეგლში, ჩვენი აზრით, აისახა შუასაუკუნეების ქრისტიანული კოსმოგონიური მსოფლმხედველობა, ზეციური სამყაროს კვრეტა ფიზიკური თუ ტრანსცენდენტური ასპექტით — როცა ნათლის მეუფე მზე-ქრისტე ფიზიკური, მორალური თუ სულიერი ნათლის წყაროა, ხოლო მუდამ მოძრავი წელიწადის დრონი — ქრისტეანთა მარადიული ცხოვრების სიმბოლო.